

困學紀聞

十五

困學紀聞卷之十九

俊儀王應麟伯厚甫

評文

穀梁隱四年傳注云建儲非以私親所以定名分鄧潤甫草東宮制云建儲非以私親蓋明萬世之統主器莫若長子茲本百王之謀蓋出於此

晏元獻謝昇王記室表云衣存缺衽式贊於謙冲饌去邪蒿不忘於規諫韓詩外傳周公誠伯禽曰衣成則必缺衽宮成則必缺隅

九章筭術五雀六燕飛集于衡衡適平一雀一燕飛而易處則雀重而燕輕陸農師謝吏部尚書表六燕相亭試銓平其輕重蓋用此

困學紀聞卷十九

周書王會東越海蜃或誤為侮食而王元長曲水詩序用之其別風淮雨之類乎

駱賓王云類同心異者龍蹲歸而宋樹伐質殊聲合者魚形出而吳石鳴龍蹲謂孔子春秋演孔圖孔子坐如蹲龍立如牽牛

楊盈川叙郡守云代臨本州則元賓之父喜形于色繼為本守則張翕之子迎者如雲叙縣令曰仁之所懷幼童不能擊將雛之雉明之所斷老父不能爭食粟之雞對的語工

蘇許公制右掖司言佇光於五字常袞表五字非工張南史詩唯有五字表魏志司馬景王命中書令虞松作表再呈輒不

可意中書侍郎鍾會取視為定五字松悅服西掖用五字本於此

張文定慶曆中草兩制薦舉勅云蓋舉類之來舊矣三代之盛王其必由之如聞外之議云是且啓私謁告請之弊也予不以是待士大夫何士大夫自待之淺邪又察舉守令勅云夫天下之大官吏之衆獨不聞循良尤異者之達予聽外臺之職豈非闕歟抑朝廷未有以導之也其視守令能以仁政得民心愛之如古循吏然者宜以名上予得以褒慰之亦以使四方之民知予不專寵健吏所貴仁者爾允延之謂二詔大哉言乎簡而盡直而婉丁寧惻怛之意見於言外至今誦之盎然如在春風中豈特公之文足以導上之德意志慮亦當時善治足以起其文也

四十三

紀聞卷十九

二

文

文定又行范文正公參政制云大恩之下難為報大名之下難為處矧兼二者可無勉哉爾尚朝夕以交修予允迪前人勤教邦其永孚于休訓辭溫雅可以見太平之象

端平元年九月真文忠公除翰林學士洪舜俞命詞曰迪惟仁祖有若臣脩朝京師於甲午之元拜內相於季秋之月歐陽公之除在至和元年九月歲皆甲午用事切當如此

慶元初嗣秀王辭中書令賜贊拜不名鄭溥之草制云天下之達尊三德兼爵齒以俱茂人臣之不名五老與親賢而並隆公羊傳注禮君於臣不名者有五諸父兄不名上大夫不名盛德之士不名老臣不名說苑伊尹曰君之所不名臣者四

諸父臣而不名諸兄臣而不名先王之臣臣而不名盛德之士臣而不名咸淳初嗣榮王賜詔書不名余草制用說苑事開禧追貶秦檜周南仲代草制云兵於五材誰能去之首死邊疆之禁臣無二心天之制也忍忘君父之讎又云一日縱敵

遂貽數世之憂百年為墟誰任諸人之責金虜南遷錄載孫大鼎疏言遣檜間

我以就 和檜之姦狀著矣 嘉定之幸復幾於失刑

韓文公王仲舒銘云敷文帝階擢列侍從野處謝敷文閣直學士表云宣布中和方歌盛德之事擢列侍從遽復敷文之階雖借用而切當

王輔嗣吐金聲於中朝此子復王振於江表微言之緒絕而復續不意永嘉之末復聞正始之音晉人之稱衛玠蓋所尚者

紀聞卷十九 三

清談也正始魏齊王芳年號胡武平啓以正始之遺音對奪朱之亂雅陸務觀嘗適其誤王季海行東坡贈太師制云博觀載籍之傳幾海涵而地負遠追正始之作殆王振而金聲恐亦龍武平之誤也若正始之清談非所以稱坡公

胡文定以親辭成都學事云矧當喜懼之年深計短長之日曾文清求歸侍云朝則倚門暮則倚閭常恐失望父曰嗟子毋曰嗟季昌敢弭忘

上官儀冊周王文識表魏舟之象詞掩漢臺之駕上句用曹蒼舒事下句用柏梁臺詩梁王曰驂駕駟馬從梁來或以駕為卦引沛獻王占兩事非也

洪景廬周茂振入館謝啓雖不若董彥遠之博如桃葉難悟柳

卯本同幼婦外孫之義女郎世子之名亦儷語之工者

野處草梁叔子制云鼎學士之大稱蓋用劉禹錫天平軍壁記以牙璋玉節鼎右僕射官稱之語又草葉顛左相制云學聖人之道高天下以聲或云葉語音高故以戲之然於人臣以能高天下以聲史記謂穀紂也不當用之王言

徐淵子上梁文云林木翳然便有濠濮間想清風颯至自謂羲皇上人初寮啓云得知千載上賴古書作吏一行便廢此事皆全句

李宗衡春秋十賦屬對之工如越椒熊虎之狀弗殺必滅若敖伯石豺狼之聲非是莫喪羊舌王子爭囚而州犁上下伯輿合要而范宣左右魯昭之馬將爲櫝衛懿之鶴有乘軒于奚

日三

包用卷一九

四

福

辭邑而衛人假之器晉侯請隧而襄王與之田星已一終魯君之歲亥有二首絳老之年作楚宮見襄公之欲楚效夷言知衛侯之死夷雞憚犧而斷其尾象有齒而焚其身虞不臘矣吳其沼乎好魯以弓請謹守寶賜鄭以金盟無鑄兵蛇出泉臺聲姜薨鳥鳴亳社伯姬卒

晏元獻進牡丹歌詩表云永平神爵之頌孝明稱美者五人正元重九之篇德宗考第於三等按論衡云永平中神雀群集詔上神雀頌百官上頌文比瓦石唯班固賈逵傳毅揚終侯諷五頌金玉孝明覽焉正元事見劉太真傳

寧皇服藥赦文陳正父所草也雖不明不敏有辜四海望治之心然無怠無荒未始一毫從己之欲天下誦之謂寫出寧皇心事

盧思道賀甘露云神漿可挹流味九戶之前天酒自零凝照三階之下常袞賀雪云重陰益固應水澤腹堅之時積潤潛通迎土膏脉起之候皆儷語之工者

俗語皆有所本如利市出易說卦左傳難為人出表記擔負出詩玄鳥箋折閱出荀子生活出孟子家數出墨子服事出周禮大司徒伏事出陸士衡詩分付出漢原涉傳交代出蓋寬饒傳區處出黃霸傳多謝出趙廣漢傳丁寧出詩采薇箋什物出後漢宣秉傳自由出五行志曉示出童恢傳主者出劉陶傳意智出鮮卑傳卑末出藥巴傳告示出荀子仁者好布施出周語優裕比較出齊語行頭出吳語當日出晉語地主出左傳越語相於出晉后妃傳料理出王徽之傳長進出和

紀聞卷十九

五

觀

嶠傳消息出魏少帝紀功夫出王肅傳普請出吳呂蒙傳手下出太史慈傳牢固出陸抗傳鄭重出王莽傳分外出魏程曉上疏小却出宋紀間介出長笛賦閭介無蹊婁羅出南史顧歡傳本分出荀子見端不如措大出五代東漢世家假開出王峻傳本色出唐劉仁恭傳古老出書無逸注商量出易商兌注不宣備出楊德祖答臨淄侯宣備生人婦出魏杜畿傳私名出列子家公出莊子主人也致意出晉簡文紀傳語出後漢清河王慶傳收拾出光武紀尋思出劉矩傳不審出韓詩外傳世情出纏子世情不識爾來出孔明出師表竭來出思玄賦和買出左傳正義阿誰出蜀龐統傳罷休出史記孫武傳慙悞出齊語安排出莊子比數出周禮大司馬注見在出稟人注

孩兒出書康誥注老境出曲禮正義牽帥出左傳先輩出詩
采薇箋如今出秋杜箋居士出玉藻可人出雜記道人出漢
京房傳寄居出息夫躬傳某甲出周禮職內注道士出新序
拈云主人翁出史記范睢傳小家子出漢霍光傳不中用出
史記外戚世家王尊傳我輩人出晉石苞傳對岸出樂志十
八九出漢丙吉傳至今十九矣浩大出後漢馬廖傳兩兩相視出
周嘉傳年紀出光武紀雜碎出仲長統傳細碎事手下出吳
呂範傳合少成多出中庸注若干出禮記曲禮投壺如干出
陳何之元傳膠加出九辯膠音豪加丘加反牢愁出揚雄傳畔牢愁集韻愁
黯墨屎出列子黯眉冗長出陸士衡文賦無狀出史記夏本
紀孽畫出淮南子前定出中庸細作出左傳釋文叙致出世

紀開卷十九

說留連出後漢劉陶傳問息耗出竇后紀已分出魏文帝書
物色出淮南子本師出史記樂毅傳祖師出漢外戚丁姬傳
生熟出莊子有瓜葛出後漢禮儀志發遣出陳寔傳天然出
賈逵傳新鮮出太玄鈍悶出淮南子誇張出列子悼恍出洞
簫賦近局出陶淵明詩提撕出詩抑箋本貫出晉江統論十
字街出北史李庶傳見錢出漢書王嘉傳

梁簡文為子辭封表云日蝕之餘無黃童之對荷戟入榛異子
烏之辯又云熙祖流聰慧之稱方建臨淮之國元仲表岐嶷
之資乃啓平原之封荷戟入榛揚雄童烏事熙祖元豐末皇
弟似封普寧郡王制全用熙祖元仲一聯然熙祖非美事也
王元之表風摧霜敗芝蘭之性終香日遠天高葵藿之心未死

劉元城表云志存許國如萬折而必東忠以事君雖三已而無愠斯言可以立懦志

驢非驢馬非馬

漢西

烏不烏鵲不鵲

策國

可以為對傅景仁云

烹羊魚羔唯帶牛佩犢可對

嘉定受寶璽南塘賀表云函封遠致不知何國之白環瑒刻孔

章咸曰寧王之大寶

宗室入翰苑者三人彥中汝談汝騰

王岐公荅韓魏公詔豈朕鬱于大道未昭治亂之原將卿保其

成功自潔進退之分崔大雅荅周益公詔豈朕不德未達好

賢之誠將卿既明自全引退之節盖倣其意

鄭安晚再相應之道草制云彥博重入中書特令納節王曾再

登揆席俛就集賢

紀聞卷十九

七

号

黃伯庸為賀雪表云招徠眾俊無晝卧洛陽之人獎勵三軍有

夜入蔡州之志語工而健

上天同雲平地尺雪范蜀公表也周益公用之

耿直之守京口復陳少陽之後曰如可贖兮百身猶將宥之十

世

億載萬年為父為母四海九州悉主悉臣迂齋對

李顯忠復節鉞汪聖錫草制云念秦伯用孟明之意與馮唐面

文帝之言又云與人之周庶幾得頗牧而能用共武之服爾

其繼英衛之善兵

倪正父草壽皇尊號詔云率百官若帝之初丕講非常之禮於

萬年受天之枯聿迎滋至之休周益公辭免表云遜于受斯

伯與敢忘稽首有若號叔閔天尚助迪威正父荅詔云受斯

伯與固可遜未聞虞帝之必從號叔閔天雖曰賢蓋視周公而不及

真文忠為原貸盜賊詔云弄潢池之兵諒非爾志烈崑岡之火亦豈予心又云自有宇宙至于今日未聞盜賊得以全軀其言足以感動人心

王卿月為澹庵制云吾寧身蹈東海獨仲連不肯帝秦至今名重泰山微相如何以強趙

盧肇海潮賦後序馬褐牛衣

古未有對者

崔大雅草史直翁制云皇祐之詔二老設几以須熙寧之遇四

臣齋書而訪尚有斯禮勿遐爾心

二老杜衍任布四氏韓富文曾

呂成公代其父倉部自黃州易守池州啓云爰考唐朝有杜牧

四

紀開卷十九

八

字

把麾之舊其臨秋浦亦齊安解組之餘雖後先遷徙之偶同顧今昔風流之非匹

端平初濟王夫人吳氏復舊封其父與蔣右史良貴有連良貴託先君代為謝丞相啓其末聯云孤忠未泯敢忘漆室之憂葵厚德難酬願效老人之結草良貴稱賞

真文忠除參政辭以疾趙南塘草詔曰漢御史大夫吉當封病上憂之夏侯勝謂必瘡果然後遂至相朕之賢卿甚於宣帝之德言也卿其親醫藥自厚且先即舍拜命少間可就車朕遣黃門召見卿矣此詔有西漢風

鄭威愍公

驥新除謝上章云關陝六七任不挂權臣之橫恩崇

觀二十秋靡沾故相之餘潤公之大節如此馮翊之紀義其

處之有素矣

傅至樂上周益公啓云東門之柳自凋玄都之桃何在彼刀頭之舐蜜得未錙銖况并眉之居瓶况如夢寐蓋指張說也或上朱文公啓云行藏勲業銷倚樓看鏡之懷窈窕崎嶇寄尋壑經丘之趣

宋正甫詩三甲未全一丁不識

或試縣學見黜後預鄉薦以啓謝縣令有不平之意令答云大敵勇小敵怯昔固有之今日是前日非吾無愧矣

毛憲守長沙謝韓平原云湖南之地二千里序詩幸託於昌黎平原之客十九人脫穎願同於毛遂

毛澤民啓云揚子雲貌寢官卑經雖玄而謂白九方堙機深識

絕句卷十九

九

視

妙馬本驪而為黃李清卿啓云斯風未泯則朝取溫造而暮拔石洪吾道不行則近舍皇甫而遠求居易

洪舜俞薦于鄉羣嶸監試後羣為江東憲使舜俞分教番陽啓云東坡倅錢唐曾在門外鵝袍之列半山憲江左亦賞梁間燕語之詩

徐淵子為越教答項平甫云正恐異時風舞雩之流不無或者月離畢之問或答洪舜俞云魯直大名有皎潔江梅之句少游下蔡無丁東玉佩之詞

有郡守招士人教子辭曰士而託於諸侯非其義也師不賢於弟子將焉用之

張宣公答教官云識其大者豈誦說云乎哉何以告之曰仁義

而已矣

真文忠為江東轉運有民困於買鳩之役來訴公判云詔捕鷓
鷓若水尚還其使歲貢蚶蛤孔殲猶疏于朝况為州縣之官
可恣口腹之欲

攻媿為姜氏慶七十致語云今日王孫猶有承平之故態舊時
竹馬得見會昌之新春承平王孫見柳文姜夔誌

衢州稽古閣書臯陶謨于屏其上梁文云臯陶若稽古事三朝
稽古之君孔子與斯文為萬世斯文之主

王相燭嘉熙間以親老辭督府辟其書曰昔溫太真絕於違母
以奉廣武之檄心雖忠而人議其失性徐元直指心戀母以
辭豫州之命情雖窘而人予其順天

四三

先開卷十一

十

呂倚謝王岐公饋錢酒用白水真人青州從事岐公稱之

夏文莊表云詩會餘蚶之文簡凝含醜之墨餘蚶見詩貝錦箋
筆銳干將墨含淳醜出文心雕龍

獨孤馴象世以為工子雲甘泉晚而悔作晏元獻謂賦也獨孤
綬放馴象賦云逐諸林邑之野歸爾梁山之隅時在偃兵豈嬰
乎燧尾上惟賤賄寧恤乎焚軀

唐律賦雞鳴度關云念秦關之百二難逞狼心笑齊客之三千
不如雞口

紹興中省試高祖能用三傑賦第四韻用運籌帷帳考官謂漢
書乃帷幄非帳字不敢取徹棘以語周益公益公曰史記云
運籌帷帳之中非誤也淳熙中省試人主之勢重萬鈞賦第

一聯有用洪鐘二字者考官哂之洪文敏典舉聞之曰張平
子西京賦洪鐘萬鈞此必該洽之士遂預選紹熙中四明試
航琛越水詩有用東坡船塹二字而黜者決得失於一夫之
目其幸不幸若此

東都之季清議扶之而有餘強秦之末壯士守之而不足前輩

俗萬世之

宜聰明而有作無作聰明由仁義以安行非行仁

義舜由仁

非刀匕是共膳宰舉席間之解釋椎鑿而上輪人議堂上之音
此工執藝事以諫賦聯也

